



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXXIII. Erectio Congregationis Portus Antii.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

perpetuum omnes & singuli dīctorum Hospitalium Confratres tunc, & pro tempore existentes duo tantum videlicet Hospitalitatis, & obedientiæ vota emittere deberent, per alias suas literas Anno Incarnationis Dominicæ 1604. Kalen. Octobris Pontificatus sui an. XIII. sub plumbo expeditas statuit, aliæque sub certis modo, & forma disposuit, ordinavit, & indulgit, prout in his posterioribus sub plumbo, & prædictis in forma Brevis ipsius Clementis Prædecessoris Literis, etiam uberius respectivè continetur.

Causa hujus Constitutionis.

§. 2. Cum autem, sicut dilectus filius Joannes de Cabrera Procurator Generalis prædictæ Congregationis S. Hippolyti Nobis nuper exponi fecit, Confratres Hospitalium, & Congregationis hujusmodi, ex quo dictus Clemens Prædecessor eos memorata duo tantum hospitalitatis, & obedientiæ vota emittere debere sicut præmittitur, statuit alia duo prædicta castitatis, & paupertatis Vota emittere omiserint, sequè dīctorum dumtaxat Hospitalitatis, & obedientiæ Votorum ratione ad perseverandam in Hospitalibus, & Congregatione prædictis minime teneri existiment, inde vero varia inconvenientia dimanare dignoscuntur; Præterea, quia juxta posteriores ejusdem Clementis Prædecessoris Literas prædictas ad electionem Fratris Majoris dīctæ Congregationis celebrandam viginti ex antiquioribus ejusdem Congregationis Confratribus, considerata, & computata ipsorum antiquitate a tempore emissorum per eos dīctorum duorum Votorum Hospitalitatis, & obedientiæ convocari debent, & nonnunquam inter ipsos antiquiores sic convocandos aliqui modicæ peritiæ reperiuntur, hinc eveniat, ut aliquis minus peritus ad officium fratris Majoris hujusmodi aliquando eligatur, ac proinde ipse Joannes Procurator Generalis dīctam Congregationem in perfectam, & formalem Religionem sub Regula Sancti Augustini, itaut illius Fratres obedientiæ, castitatis, & paupertatis, necnon Hospitalitatis Vota in actu eorum professionis regularis emittere teneantur, erigi, ac loco dīctorum viginti antiquiorum Confratrum alios viginti, peritiores scilicet, & magis graduatos, dīcti Fratris Majoris Electores constitui, & deputari, necnon tam binas Clementis, quam Sixti Prædecessorum literas prædictas, ac gratias, indulgentias, facultates, antelationes, privilegia, & indulta per eas Hospitali, & Congregationi prædictis concessa, & communicata ad Congregationis sic erigendæ favorem innovari, & Apostolicæ confirmationis Nostre patrocinio communiri, ac alias in præmissis opportune a Nobis provideri, & ut infra indulgeri plurimum desideret: Nos ejusdem Joannis Procuratoris Generalis votis hac in re, quantum cum Domino postumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendarum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati de nonnullorum Venerabilium Fratrum nostrorum S. R. E. Cardinalium super hoc negotio a Nobis specialiter deputatorum, qui illud mature perpenderunt, & circa memoratam Fratris Majoris electionem nihil innovandum esse censuerunt, consilio, præfatam Congregationem S. Hippolyti Martyris in formalem Regularem Religionem sub Regula Sancti Augustini, cum votis solemnibus castitatis, paupertatis, & obedientiæ, necnon Hospitalitatis auctoritate Apostolica tenore præsentium perpetuo erigimus, & instituimus, eamque sic a Nobis erectam, illiusque Confratres, Hospitalia, Ecclesias, & personas quacumque sub immediata nostra, & hujus Sanctæ Sedis protectione, & subjectione suscipimus. Porro gratias, Indulgentias, facultates, antelationes, privilegia, & Indulta præfata, dummodo sint in usu, ac licita, & honesta, nec sint revocata, aut sub aliqua revocatione comprehensa, Sacrificque Canonibus, & Concilii Tridentini Decretis, aut posterioribus Constitutionibus, & Ordinationibus Apostolicis vel Regularibus dīctæ Congregationis sic a nobis erectæ institutis non adferentur, auctoritate, & tenore præfatis confirmamus, & approbamus, illique inviolabilis Apostolicæ firmitatis robor ad-jicimus.

Confirmatio privilegiorum, & Indulgentiarum.

Clausula.

§. 3. Decernentes ipsas præfatas Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quocumque spectabit, in omnibus, & per omnia plenissime suffragari, & ab eis respectivè inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon Congregationis, & Hospitalium prædictorum, aliisve quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra habeatur, quæ ipsi præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XX. Maji MDCC. Pontificatus nostri Anno Nonno.

Deputatur Card. Pamphilius in Protectorem, & superintendentem Portus Antii, cum erectione Congregationis post ejus obitum, & assignatione dotis.

CXXXIII.

Const. ed. 1697. Aug. 4. P. 8. erecta fuit Congregatio super disciplina regulari. Et Clem. XI. Const. ed. 1701. Jan. 14. P. 1. agitur de Congregatione Visitationis Apostolicæ in Urbe.

INNOCENTIUS PAPA XII.

Dat. 28. Maji 1700. An. 9.

Ad futuram rei memoriam.

Romanus Pontifex omnium Christianissimum Pater, & Pastor a Domino constitutus, non solum spiritualibus Dominici Gregis sibi divinitus crediti utilitatibus jugi vigilantia consulere studet, sed & temporalibus præsertim suo-

Exordium.

rum,

Preces Procuratoris Generalis pro erectione in Religionem, confirmatione gratiarum, & nova forma eligendi Fratrem Majorem.

Erectio d. Congregationis sub Regula S. Augustini cum 4. votis, & subjectione S. Sedi.

rum, & Apostolicæ Sedis, etiam quoad temporalia subditorum commodis paterno studio providere satagit, ac alias desuper disponit, sicut omnibus maturæ considerationis tratina perpensis, Reipublicæ conducibile fore in Domino arbitratur.

§. 1. Dudum itaque Nos animo revolventes quantum ubertatis publicæ, quantum Populorum commerciis, quantum denique honestis negotiationibus, quibus Respublica floret, industria viget, otium eliminatur, omniumque ad vitam necessariorum rerum copia comparatur, infensum, ac exitiosum esset in Tyrreni Maris ora a Portu Cafetæ usque ad centum cellas nullam pro navibus tutam stationem reperiri, probeque scientes, ac cum maximo animi Nostri mœrore considerantes, quam frequentia inde, ac misera navigantium, & mercium naufragia in dies fierent, non sine gravi Almæ Urbis nostræ quo merces illæ commeassent detrimento, dignam munere nostro rem aggredi putavimus, si ad ejusmodi mala opportunis rationibus avertenda peculiarem paternæ providentiæ nostræ sollicitudinem converteremus. Hac proinde de causa Terræ nostræ Neptuni Albanen. Diœcesis litora, obnitente licet huic rei effectæ nostræ senectutis imbecillitate inviseri non dabitavimus, ibique ex veteris Antii ruderibus, ubi adhuc supersunt ingentia vestigia celeberrimi Portus Neroniani, quem nisi operis sumptuosissimi Historici tradidissent, satis superque eadem vestigia demonstrarent, novum Portum extruendi consilium iniuvimus, cum quidem tam latum, & extensum, ut exuberans aliorum tutelæ in temporalis nostræ ditionis periculum vergeret, sed nec tam angustum, ut per ipsum navium illic adventantium incolumitati usquequaque prospectum non esset. His præscriptis legibus, dilecto filio nostro Benedicto S. R. E. Diacono Cardinali Pamphilio nuncupato, de cuius eximia fide, prudentia, integritate, sapientia, flagrantissimoque publici boni studio plurimum in Domino confidebamus, operis curam demandavimus. Porro idem Benedictus Cardinalis solerti, ac plane indefessa diligentia, & sedulitate nec laboribus, nec incommodis, imo neque etiam sumptibus parcens expectationi de se nostræ tam plane respondit, remque totam ex animi nostri sententia adeo perfecit, ut ejus potissimum opera, brevi, ac feliciter factis in altum opportunis molibus, apertoque mari objectis Portum Antio restituisse propugnaculo, qua se Portus aperit, constructo, securitati prospexisse: Ecclesia ibidem ædificata, ac Presbytero in ea constituto spiritualibus confluentium Christianissimorum necessitatibus consultuisse: perennibus demum, ac saluberrimis aquis e longinquo derivatis, aquationum commoda navigantibus addidisse, summo opere lætemur.

§. 2. Verum, cum non satis sit tantum, ac tam salutare opus summo studio absolvisse, nisi eo jugiter conservando circumspectæ vigilantie nostræ partes propensa charitate adjungamus. Hinc est, quod Nos felici, perpetuæque Portus, Aquæductus, totiusque operis hujusmodi conservationi, & mantentioni, quantum Nobis ex alto conceditur, providere, ac memoratum Benedictum Cardinalem speciali aliqua paternæ, ac gratæ nostræ in eum voluntatis significatione proficere cupientes, Motu proprio, & ex certa scientia, ac matura deliberatione nostris, deque Apostolicæ potestatis plenitudine, eundem Benedictum Cardinalem Portus prædicti, quamdiu vixerit, Protectorem, & Superintendentem cum plenaria, libera, & omnimoda potestate, facultate, & auctoritate omnes, & quæcumque pecuniarum summas Portui, Aquæductui, & Operi præfatis pro illorum dote a Nobis, ut infra applicandas, & assignandas, in Portus, Aquæductus, & Operis hujusmodi conservationem, &

manutentionem, prout secundum datam sibi a Domino prudentiam expedire judicaverit, nostra, & pro tempore existentis Romani Pontificis S. R. E. Camerarii, Cameræ nostræ Apostolicæ Thesaurarii Generalis, vel cuiusvis alterius licentia desuper minime requisita, convertendi, & erogandi, absque eo quod ipse Benedictus Cardinalis, sive ejus hæredes, & successores quilibet de pecuniis præfatis, etiam ad quancumque summam ascendentes per eum, seu de ejus mandato præmissorum causa solvendis, & impendendis ullam unquam rationem reddere, aut expensas in eisdem præmissis per eum, seu de ejus mandato faciendas justificare, seu comprobare nullo modo teneatur, seu respective teneantur. Insuper omnia, & singula, quæ pro conservatione, & mantentione prædictis, faciendæ, seu vitandæ fuerint, decernendi, ac super præmissis etiam statuta condendi, & promulgandi, ac observari faciendi, illaque toties quoties opus fuerit moderandi, corrigendi, & emendandi, ac mutandi, & alia de novo edendi, & generaliter quancumque, & qualicumque in præmissis hujusmodi, & circa ea quomodolibet necessaria, & opportuna faciendi, gerendi, mandandi, & ordinandi, ac exequendi, & executioni mandari curandi, etiam si talia forent, quæ sub generali expressione non venirent, sed specificam, & individuum mentionem requirerent, tenore præsentium facimus, creamus, ac constituimus, & deputamus, dictumque Benedictum Cardinalem, ac illius hæredes, & successores quoscumque ex nunc prout ex tunc, & e contra a ratione, seu comprobatione præfatis harum serie omnino eximimus, & liberamus. Ipso autem Benedicto Cardinali rebus humanis exempto, protectione hujusmodi penitus cessare, nec eam cuiquam alteri concedi volentes, super Portu, Aquæductu, & Opere prædictis ex nunc, prout ex tunc, postquam Dicitus Benedictus Cardinalis decesserit, & e contra, Congregationem Portus Antii nuncupandam, in qua tunc, & pro tempore existentem Cameræ prædictæ Thesaurarii Generalis, & Commissarius etiam Generalis, nec non unus, si quis fuerit ex nobili, & antiqua ejusdem Benedicti Cardinalis familia Pamphilia Romanæ Curie Prælatus, unus itidem ex ejusdem Cameræ Præsidentibus Clericis, qui Romanus sit, seu saltem ex statu nostro Ecclesiastico, ac demum duo Cives etiam Romani per Nos, & Successores nostros Romanos Pontifices pro tempore existentes ad ipsorum Successorum nostrorum beneplacitum deputandi esse debeant, motu, scientia, deliberatione, & potestatis plenitudine paribus, harum serie perpetuo erigimus, & instituiimus.

§. 3. Cæterum, impensæ pro conservatione, & mantentione præfatis in dies necessario faciendæ solvi possint, eisdem Portui, Aquæductui, atque operi pro eorum annua, & perpetua dote mille scuta moneræ Romanæ singulis annis ex proventibus dictæ Terræ Neptuni, illique annexorum ad Cameram Nostram prædictam spectantibus, quippe quos ratione constructionis Portus prædicti jam notabiliter auctos fuisse compertum est, percipiendæ, necnon vigore mandatorum ejusdem Benedicti Cardinalis, & Protectoris quoad vixerit, ac successive Congregationis a Nobis, ut præfertur, institutæ a dilecto filio moderno, & pro tempore existente conductore, seu Administratore proventuum hujusmodi persolvenda, motu, scientia, deliberatione, & potestatis plenitudine prædictis earundem tenore præsentium itidem perpetuo applicamus, assignamus, concedimus, appropriamus, & incorporamus.

§. 4. Decernentes easdem præsentibus Literas, & in eis contenta quancumque etiam ex eo, quod quicumque in præmissis interesse habentes, seu

Erectio
Congregationis
super
Portu, &c.

Assignatio
1000. scutorum
pro dote
Portus.

Clausula.

habere

Causæ ad-
ficandi Por-
tus.

Descriptio
Portus cura
Card. Protec-
toris Pam-
phili resti-
tuti.

Causæ hujus
Constitutio-
nis.

Deputatio
Card. Pam-
phili in Pro-
tectorem, &
superinten-
dentem cum
plurimis fa-
cultatibus,
motu pro-
prio facta.

habere quomodolibet prætendentes illis non consenserint, nec ad ea citati, vocati, & auditi, neque causæ propter quas ipsæ præsentibus emanarint adductæ, verificatæ, vel justificatæ fuerint, aut ex alia quacumque etiam quantumvis legitima, juridica, & privilegiata causa, colore, prætextu, vel capite, etiam in corpore juris clauso, etiam epornis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis Nostræ, aut interesse habentium consensus, aliove quolibet etiam maximo, ac formali, & substantiali, incogitato, & incogitabili, individuamque mentionem requirente defectu notari, impugnari, infringi, retractari, ad terminos Juris reduci, aut in controversiam vocari, seu adversus illas aperiitionis oris, restitutionis in integrum, aliudve quodcumque Juris, facti, vel gratiæ, remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in judicio, vel extra illud uti, seu se juvare posse, sed ipsas præsentibus Literas semper firmas, validas, & efficaces existere, & fore, ac ipsi Benedicto Cardinali, aliisque ad quos spectat, & pro tempore quodcumque spectabit, in omnibus, & per omnia plenissime suffragari, ac ab illis inviolabiliter, & inconcusse observari, & adimpleri; sicque & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S. R. E. Camerarium, & alios Cardinales, etiam de Latere Legatos, necnon dictæ Camere Præsidentes Clericos, Thesaurarium, & Commissarium Generales, ceterosque Officiales, & Ministros, & alios quoslibet quacumque præminencia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Nostra, & Cancellariæ Apostolicæ regula de Jure quæsito non tollendo, ac fel. rec. Pii PP. IV. prædecessoris Nostræ de gratis quacumque interesse Camere prædictæ concernentibus in eadem Camera intra certum tunc expressum tempus præsentandis, registrandis, ita ut præsentibus Literas ibidem præsentari, & registrari nunquam necesse sit, aliisque Apostolicis, & in Universalibus, provincialibusque Conciliis editis generalibus, vel specialibus Constitutionibus, & Ordinationibus, necnon dictæ Camere, aliisque quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, etiam immemorabilibus, privilegiis quoque, Indultis, & Literis Apostolicis eidem Camere, illisque Officialibus, & Ministris, ac aliis quibusvis personis, & locis sub quibuscumque verborum tenoribus, & formis, ac cum quibuscumque etiam derogatoriis derogatoriis, irritantibusque, & aliis Decretis in contrarium præmissorum in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet, & quantiscumque vicibus concessis, confirmatis, iteratis, approbatis, & innovatis. Quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores formas, causas, & occasiones præsentibus pro plene, & sufficienter expressis, ac insertis, & accu-

ratissime specificatis, & servatis respectivo habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ac plenissime, & amplissime derogatum esse volumus, cæterisque contrariis quibuscumque.

Datum Romæ apud S. Mariam Majorem sub Annulo Piscator. die XXVIII. Maji MDCC. Pontificatus Nostræ Anno Nono.

Confirmantur Constitutiones Congregat. Charitatis S. Hippolyti in Indiis Occident.

Hæc Congregatio erecta fuit Constit. ed. 1700. Maii 20. P. 9. Et Clem. XI. Const. ed. 1701. Jun. 20. P. 1. agit de privilegiis, & promovendis extra tempora.

INNOCENTIUS PAPA XII.

Ad perpetuam rei memoriam.

EX injuncto Nobis Divinitus Apostolicæ servitutis munere ad ea, per quæ Christianæ Charitatis, & Hospitalitatis opera ubique locorum, ac præsertim in remotissimis ab hac Sancta Sede partibus opportune promoventur, favorabiliter intendentes, Christianissimum Congregationes in id ipsam laudabili studio incumbentes Apostolico favore prosequimur, ac proinde ea, quæ pro felici, prosperoque illarum regimine, & gubernio provide, prudenterque constituta esse noscuntur, ut firma semper, atque inviolata persistant, Apostolici muniminis præsidio, cum id a Nobis petitur libenter constabilimus.

§. 1. Exponi siquidem Nobis nuper fecit dilectus Filius Joannes de Cabrera Procurator Generalis Congregationis Charitatis sub titulo Sancti Hippolyti Martyris in Civitate Mexican., aliisque partibus Indiarum Occidentalium novissime a Nobis in Religionem erectæ, quod pro felici, prosperoque dictæ Congregationis regimine, & gubernio factæ fuerunt nonnullæ Constitutiones, quæ revisæ, & examinatæ, ac in unum collectæ sunt, tenoris, qui sequitur, videlicet.

§. 2. Cum principalis Scopus Congregationis, five Ordinis Charitatis sit attendere operibus Corporalibus Misericordiæ versus Pauperes infirmos, Convalescentes, mente captos, aliosque egenos, non debent tunc Fratres ejusdem attendere studio Literarum, nonnulli tamen cum licentia Fratris Majoris Congregationis operam navare poterunt Medicinæ, & Chirurgiæ, tanquam Artibus, necessariis pro propriis Ministris, dispensando hac in parte Sede Apostolica in Sacris Canonibus generaliter, studium dictorum Artium Religiosis prohibentibus: similiter illi, qui in conformitate præsentium Constitutionum studuerint, ut ad Sacerdotium promoveantur, poterunt, & debent studiis incumbere, & quidem principaliter Grammaticæ, ut linguam latinam bene intelligant, & casibus Conscientiæ.

§. 3. Totum Ordinis gubernium residere debet in uno Superiore cum titulo Fratris Majoris Generalis, in quatuor ejusdem Consiliariis, & in Superioribus localibus, cum titulo Fratrum Majorum localium, qui electi esse debent in forma sequenti.

§. 4. In Festo Sanctorum Apostolorum Petri, & Pauli singulo triennio celebrabitur Capitulum Generale, quod semper congregari debet in Domo Sancti Hippolyti in Mexico: huic intervenire debent, & suo tempore vocari viginti antiquiores in professione ipsius Congregationis, qui tamen scribere, & legere sciant, & casu, quo aliquis, seu aliqui istorum legitime essent impediti (quod impedimentum constare faciant Fratri Generali Majori, & Consiliariis, qui in hoc stare debeant ipsorum attestationsi juratæ, appro-

bata,

CXXXIV.

Dat. 21. Junii
1700. An. 9.

Exordium.

Referuntur
dd. Constitutions.

De Studiis.

De gubernio.

De Capitulo
Gen.